



**Сатирик, жазушы, этнограф, ғалым Сейіт Кенжеахметов  
атындағы «Мірдің оғы» республикалық  
әзіл-сықақ театрлары фестивалінің  
ЕРЕЖЕСІ**

Қазақтың талай қаймақтарының кіндік қаны тамған Торғайдың тумасы Сейіт Кенжеахметов өмірінің соңына дейін мәдениет, руханият саласында аянбай еңбек етті. Ұлттық этнографияның мән-маңызы, жоғары таным-тағылымдарын талмай зерттеген жазушының соңында мәңгілік өшпейтін, өлмес мол мұра қалды. Сейіт Кенжеахметовтің сатира саласындағы сүбелі дүниелері 1967 жылы жарық көрген «Кәрі шеңгелден» бастау алып, «Қуырдақ», «Аттеріс», «Сөз семсер», «Тышқантірлік», «Ел құлағы елу», «Хан барон – на сезон» сонымен қатар, «Қазіргі қазақ сатира» атты жаңа серияның тұңғышы – «Мірдің оғындай» деп аталатын таңдамалы сатиралық өлеңдер мен мысалдар жинағын атап өтуге болады.

Сейіт Кенжеахметовтің қазақ халқының рухани дүниесіне қосқан баға жетпес туындыларын дәріптеу мақсатында, Қостанай облысы әкімдігі мәдениет басқармасының қолдауымен, облыстық көркемөнерпаздардың халық шығармашылығы мен кинобейнеқор орталығының ұйымдастыруымен, Қостанай қаласында 2020 жылдың 31 наурыз күні республикалық әзіл-сықақ театрларының фестивалі өткізіледі.

**Фестивальдің мақсаты мен міндеттері**

- Сейіт Кенжеахметовтің шығармашылық мұрасымен танысу;
- облыстағы әзіл-сықақ театрларының орындаушылық шеберлігін шыңдау, өңіріміздің талантты өнерпаздарын анықтау;
- әзіл-сықақ театрларының бір-бірімен тәжірибе алмасуы арқылы өнерлерін жетілдіру, жандандыру.

**Фестиваль шарты**

- фестивальге облысымыздың және республикамыздың басқа өңірлерінен келген әзіл-сықақ театрлары қатыса алады;
- фестивальге қатысатын ұжым 2 интермедия көрсетеді. Көрсетілетін сахналық қойылымдар Сейіт Кенжеахметовтің шығармасынан болуы негізгі шарт болып саналады;

- шығарманың ұзақтығы -10-15 минуттан аспауы тиіс;
- фестиваль барысында қажетті музыкалық, жарық, дыбыс эффектілерін қолдана алады;
- үздік ұжымдар Гала-концертте өнер көрсетеді.

### **Өтініштерді тапсыру шарттары**

Өтінім (қойылымның атауы, ұжым жөнінде мәлімет, фото, ұжымның тізімі, жетекшісінің аты-жөні) [1@ocsnt.kz](mailto:1@ocsnt.kz) электрондық почтасы бойынша **2020 жылдың 13 наурызына** дейін қабылданады. Байланыс телефоны: 8(7142) 56-04-12.

Фестиваль І.Омаров атындағы қазақ драма театрында өтеді.

### **Бағалау критерийлері**

- сахналық мәдениеті;
- көркемдік деңгейі;
- әртістердің орындаушылық шеберлігі;
- эстетикалық және этикалық ұғымдылығы.

### **Қазылар алқасы**

Қазылар алқасының құрамына мәдениет және өнер қайраткерлері, театр мамандары кіреді. Қазылар алқасының шешімі хаттамамен рәсімделеді және оның барлық мүшелері қол қояды. Дауыстар тең болған жағдайда Төрағаның даусы шешуші болып табылады. Қазылар алқасы Ұйымдастыру комитетімен белгілеген жүлделі орындарды бермеуге немесе үміткерлер арасында бөлуге құқылы.

### **Марапаттау**

Марапаттау облыстық бюджеттің Қостанай облысы әкімдігі мәдениет басқармасының «Облыстық көркемөнерпаздардың халық шығармашылығы мен кинобейнеқор орталығы» КМҚК есебінен жүргізіледі. Шығармашылық ұжымдарды марапаттауда фестивальдің ұйымдастыру комитетінің келісімімен арнаулы жүлделерді тағайындау үшін демеушілер (*меценаттар*) ат салысуы мүмкін.

### **Тамақтану және жолақысы**

- Қостанай облысынан қатысатын қатысушылардың шығындарын жіберуші тарап төлейді;
- басқа өңірден қатысатын ұжымдардың шығындарын (*тамақтану және тұрғын жай*) қабылдаушы тарап төлейді.